

17.04.1927

Jutry 1927 - Budyscy na probu jěchaja	Ostern 1927 - Probereiten der Bautzer Osterreiter
Wot jutrow 1927 mamy dwě zajimalej rozprawje, wosebje štož Budyskich křižeri nastupa – wobě (skrótšenej) z Katolskeho Posoła z dnja 23.04.1927: <u>Prěnja rozprawa (rěč njezměnjena):</u> <i>„Jutrowne jěchanjo so po zwučenym wašnju wotmě, a to při najrjeńšim slónčnym wjedrje. Křižerjow běše Bačońskich 25 a Radwońskich 29 pŕahow, mjez poslednišimi 3 pŕahi Budyšskich (z města). Jich jěcharjo doma před wotkhadom spomnjenja hódny bravour-kruch wuwjedźechu. Před Serbskej cyrkwju so zhromadźiwši, zanjesechu kěrļuš: 'Stanył je horje Jězus Khryst' a jěchachu wótře spěwajo wot cyrkwyje. Serbska cyrkej je w běhu časow wšelake podawki dočakała, ale křižerjow drje wokoło swóich murjow tola hišće jěchać widžała njeje. Budyšenjo přijěchachu zbožownje do Radworja a nadźijomnje runje tak derje zasy domoj.“</i> <u>A druha rozprawa (rěč njezměnjena):</u> <i>„Zajimawu nowinku dožiwichmy tu lětsa jutrowničku po dopołdnišich Božich službach při farskej cyrkwi k Našej Lubej Knjeni. Hdyž so posledni kemšerjo z cyrkwyje hibachu, hromadžachu so šesćo pyšni křižerjo na cyrkwiskim naměšće k jutrownomu jěchanju do Radworja. Bě to khwalobna překwapjeńka. Kemšerjo wćipnje čakachu, hač budža tež spěwać. Ale dołho njetraješe, započa „kantor“ „Wótče naš“, a potom mócnje zanjese kěrļuš 'Zraduj so njebyes kralowna'. Wjesele spěwajo jěchachu nimo Žitnych wikow, po Krón-pryncowym mosće do Radworja. Serbskim kemšerjam je so zmužity kusk jara lubił a tež měšćanam.“</i> Druhu rozprawu mjenuje knjez Musiat 1993 w KP “Probu jěchanje” a njewidźi žadyn zwisk k poprawnom jěchanju w Radworskim procesionej: <i>“W Budyšinje běchu so někotři narodni horliwcy wokoło serbskeho korčmarja Jurja Wróbla a serbskeho kapłana Józefa Nowaka dali do džěła, a wobzamknjachu, zo pojěchaja Budyšenjo najprjedy jónu na probu”.</i> Njeje pak wěřejepodobne, zo stej so připadnje w tutym lěće dwě trójcy křižerskich porow spěwajo wokoło “Serbskeje” cyrkwyje jěchajo so na puć do Radworja podať, štož by dyrbať z mjenowanych wšelakich kěrļušow dwójch trójkow sćěhować. Prawdžepodobnje jedna so tu wo jednu a tu samu trójku – jenož z tymi kěrļušemi je snadź misnjeneje tehdyšich awtorow. A časowje bychu móhli Budyscy woprawdže do wotjěchanja Radworskich tam być a potom “regularnje” w Radworskim procesionje sobu jěchać, kaž je to wot Budyskich z lěť do toho z wašnjom a znate było. Jasne je, zo su Budyscy lěto pozdžišo swój samy procesion z 25 porami zwjedli a z tym “Budyski křižerski procesion” do žiwjenja zwoťali.	

Procesion Procession	Křižerjo Osterreiter
Budyšin/Bautzen	6
Baćon/Storcha	50
Radwor/Radibor	58
Wšě wosady/Alle Gemeinden	-

[start.....1927](#)

From:

<http://82.165.187.122/> - **Radibor - Chronik**

Permanent link:

http://82.165.187.122/doku.php?id=17.04.1927_ostern&rev=1681560384

Last update: **2023/04/15 12:06**

